



1484

I. Mos. Sl. D. 131

P

*Schroveri Christian. Theod. Paeān in gloriosam
Domini et Salvatoris nostri Jesu Chri.
sti resurrectionem.*


POËTAE POLON.

N. 131.

Biblioteka Jagiellońska



stdr0003554



P Æ A N,
IN GLORIOSAM DO-
MINI ET SALVATORIS NOSTRI
JESU CHRISTI
RESVRRECTIONEM.

Authore

CHRISTIAN-THEODORO SCHOSSERO,
*Emiliano, Phil. ac Medicinar. D. Republicæ Bo-
leslaviensis in Silesia Physico Ordinario.*



LESNÆ POLONORVM

Excudebat

DANIEL VETTERVS, GYMNASII
TYPOGRAPHVS.

ANNO CHRISTI 1641.





MAGNIFICO
SENATVI

AVGVSTÆ FLORENTISSIMÆq; SILESIAE
METRAPHOLEOS,

VRATISLAVIENSIS

REIPUBLICÆ, PATRIBUS PA-
TRIAE, PATRONIS

&
MOECENATIBVS HONORANDIS,

QVICQVID HIC PVBLICATVM EST,
CVM DEBITA OBSERVANTIA,

INSCRIBIT ET OFFERT

Author:



14841

ANNO CHRISTI 1641



ODE
IN GLORIOSAM CHRISTI
Resurrectionem PÆAN.



Vis ille IOSEPH, mortis ab infimo
Surgens hiatus; qui roseum caput
Virente palmâ est impeditus,
Purpureoq; renidet ostro?

Quis ille SAMSON, qui rabidum feræ
Stygis Draconem, roboris enthei
Vmbone fultus, jam cecidit,
Victor ab hoste cluens tremendo?

Quis quæso, JONAS, ventris in abdito
Ceti recessu tergeminos dies
Noctisq; tentus exit, & jam
Littora tuta petit, resorptus?

Quis ille DAVID, qui nitidum gerit
Manû tropæum; cuius honor ferit
Palantidis flavum cubile, &
Hesperium Phaëthontis axem?


Favete linguis! En redit HERCULES

Cœlestis imæ de scrobis abdito ;
Qui luridi monstrum barathri
Auspiciis domuit secundis !
Hic dura Lethes mænia diffidit,
Mortisq; sævum contudit impetum :
Hic invidos postes Averni
Concutiens, fera tecta Mortis
Disjecit, Heros robore Martio
Pollens, & alium se Dominum extulit ;
Ditem suis stringens catenis :
Ne queat amplius ire pessum ,
Quisquis resurgentem inspicit Arbitrum
Nostræ salutis . neu male- conscius
Post fata perpetim fidelis
Ardeat in Phlegethontis antro .
Nam post ADAMI luctificum scelus
Totum genus mortale momorderat
Cocytius prester ; nec ullus ,
Qui medicas adhiberet artes
Erat Machaon . jam simul omnibus
Intenderat Mors falcem inamabilem :
Dæmon, ut omnes lancinaret,
Vulnificos acuebat ungues .
Sed laus JHOVÆ, qui memor aviæ
Gentis, redemit progeniem suam

In filio, nostræ salutis
Vnico & ingenuo **MAGISTRO!**
Hic nostra lavit crimina fervido
Sui cruoris nectare; quem cohors
Judæa cum latrone bino
In rigida crucifixit alno.
Sed nil feroces officiunt manus
CHRISTO jacenti Mortis in atrio:
Nam Victor hic surgit vicissim,
Tergemino celebris triumpho.
Ergò fideles, quos premit improbæ
Maligna culpæ sarcina, plaudite;
Nec amplius peccata propter
Vranimos patiuntor æstus.
Nam Victor ingens, Victor amabilis,
Nitente cinctus laudis adoreâ,
E tabido resurgit antro,
Blandisonumq; recantat ^{æqua}.
Hunc hunc fideles inspicitote, nec
Mentis fenestras impediat timor:
Hunc hunc amate, qui perennem
Morte suâ retulit salutem!
Jam victus est Præsul Stygij lacus,
Vinctusq; loris plus-adamantinis:

Æterna Mors jam cassa diris
Intumulo recubat pharetris.
Invisa furvæ triga Proserpinæ
Concussa, magnos sustinet impetus:
Et impotens vexare Sanctos,
Tænarias referando portas,
Quas clausit, & jam perpete pefsulo
Obstruxit Heros robore cælico
Pollens IESUS: dente frendet
Instar apri meditantis ictum.
O robur ingens Herculis enthei!
O vim superni Regis, & inclytam
Et utilem nobis, & hosti
Non minus ignifero stupendam!
Miramur omnes Teq; tuamq; vim,
O chare JESU: te canit omnium
Sacrata classis Angelorum,
O bone Victor, ovante plectro!
Quapropter & nos pectine cælico
CHRISTUM canamus, qui extulit omnia
Peccata Mortis in barathrum,
Et referavit amæna Tempe
Coeli, resurgens e scrobe squalida
Lethes avaræ. jamque epinicion

Cantat peracto munere Hymnum,
Lætus in axe poli triumphans.
Dicamus ergò pectore fervido;
Sit gloriosus Victor Olympicus:
Laudetur ejus nomen; omnes
Ingeminent simul, HALLELUJAH!
Io, triumphat VICTOR, & aureum
Cœli, resurgens laude, palatium
Conscendit, heïc regnat, suoq;
Numine cuncta gubernat æquus!
Ergò alme Princeps, qui nitidum quatis
Manu tropéum, Te petimus, gregem
Defende sacrum; ne propulsent
Nos Acherontigenæ phalanges.
Immitte pacem, densaque Thracii
Dispelle Martis, quæ parat, agmina:
Averte pestem; sit benigna
Temperies fluitantis auræ.
Hæc nos precamur. Tu bone REX, poli
Audi vocantes rebus in asperis.
Sic Te benignum semper omnes
Pectine dulcisono canemus.



Caract percho mander Hymnum
Latus in axe poli triumphans

Dicamus ergo pectori feridos
Sic gloriofus Victor Olympicus

Laudetur eius nomen omnes

Ingenitum simul, HALLELUJAH

Io triumphat VICTOR, & arcum

Caeli retingens inde palatium

Concedat, hinc regnat inde

Numine cuncta gubernat adurus

Figurat Princeps, qui nixum datus

Mannu trophæum, Te petimus, gregem

Defende sacrum ne propulsent

Nos Acheronticæ phalanges

Immitte pacem, deusque Thraci

Dilpelle Maris, que parat, agmina:

Avertit pestem, tu benigna

Temperies fluctantis aurae.

Hæc nos precamur. Tu bone REX, poli

Audi vocantes rebus in alperis.

Sic Te benignum semper omnes

Pestine dulcisono canamus.

